



FLORA KOMMUNE

VEDTEKTER FOR BARNEHAGANE I FLORA



**Vedtatt av Flora bystyre i sak 32/87,
med endringar i sak 4/90, sak 140/92, sak 128/04, sak 100/05, sak 17/06, sak 160/12 og sak 29/18
(gjeldande frå 01.08.18).**

- § 1 Barnehagane vert drivne i samsvar med «Lov av 17. juni 2005 nr. 64 om barnehagar m.v.» og dei av Barne- og familiedepartementet og Kunnskapsdepartementet til ei kvar tid fastsette føresegner og retningsliner, kommunale vedtak og plan for den einskilde barnehagen.
- § 2 Det kommunale utval eller styre som bystyret til ei kvar tid har gjort vedtak om, har ansvar for forvaltning og tilsyn med dei kommunale barnehagane og tilsyn med andre barnehagar i kommunen, samt barneparkar som får kommunalt tilskott.
- § 3 Bystyret avgjer til ei kvar tid satsane for foreldrebetaling.
- Manglande foreldrebetaling vert handsama etter nærare retningsliner vedtekne av undervisningsutvalet: Ved 2 månader uteståande foreldrebetaling vert det vurdert administrativt om barnet skal miste barnehageplassen.
- § 4 Opningstider vert fastsett av bystyret i samråd med SU i den einskilde barnehage og kultur- og oppvekstutvalet. Opningstida er fastsett slik:

* Plasstilbod i %	Opphaldstid pr veke
100	41 timar og meir (inntil 9,75 t/d)
80	33 – 40 timar
60	25 – 32 timar
40 og 50	19 – 24 timar
Korttidstilbod	18 timar og mindre

* Reduserte tilbod vert hovudsakleg organisert over heile dagar, men andre løysingar kan tilbydast. Tilrettelegging og organisering av barnegruppene vert bestemt i kvar barnehage, ut frå omsynet til einskildbarnet og det heilskaplege tilbodet.

Sjå barnehagefoldar med oversikt over barnehagane i dei ulike opptaksområda, med aldersgrupper, plassar, opphaldstider, kontaktpersonar og betalingsattsar.

- § 5 Søknad om opptak skjer på fastsett skjema.
- Opptak til nytt barnehageår vert kunngjort i lokalavisa, med søknadsfrist medio februar same året. Nytt barnehageår starter ca. 15. august.
- Barn som er tildelt barnehageplass frå og med barnehageåret 92/93 har fast plass fram til skulealder.
- § 6 Frå hovudinntaket til barnehageåret 2013-2014, gjeld følgjande kriterier som grunnlag for prioritering ved opptak i kommunale barnehagar:

- 6.1. Barn som har rett til prioritet ved opptak i barnehage i samsvar med Lov om barnehagar § 13.
- 6.2. Barn som har rett til barnehageplass i samsvar med Lov om barnehagar § 12.a, prioritert etter alder.
- 6.3. Barn som ikkje fyller nokon av kriteria over, prioritert etter alder.

Dokumentasjon:

For opptak etter kriteriet 6.1 skal det føreligge skriftleg vurdering frå sakkunnig instans eller vedtak etter lov om barnevernstenester §§ 4-12 og 4-4 andre og fjerde ledd, som dokumenterer retten til prioritet.

Vurdering:

Ved samordna inntak skal det leggjast til rette for at søsken så langt som råd, får plass i same barnehage.

- § 7** Strekinga frå Brandsøy – sentrum vert rekna som eitt opptaksområde for barnehagane i dette området.

Barnehagane i distrikta har opptaksområde likt med opptaksområda til skule. Ved få barn innanfor eit opptaksområde, må nærliggjande opptaksområde sjåast under eitt. (Jf. § 14).

- § 8** Det skal vere eit hovudopptak før barnehageåret tek til.

Mellom dei søkjarane som ikkje får plass ved hovudopptaket, skal det settast opp ei venteliste med prioritet etter kriteria nemnt i § 6.

Barnehageplassane vert tildelt administrativt av tenesteleiarane i kvar barnehage saman med barnehagefagleg rådgjevar etter gjeldande vedtekter (Jf. Møte- og delegeringsreglementet for Flora kommune, kap. 25, jf. kap. 13 § 3.1.4)

Tildeling av barnehageplassar vert gjort som einskildvedtak.

Hovudutval for kultur og oppvekst (KUOP) er klageinstans for klager på einskildvedtak som er gjort i samband med hovudinntaket (Jf. Møte- og delegeringsreglementet for Flora kommune, kap. 13 § 2.3.8)

Ledige barnehageplassar som oppstår i løpet av barnehageåret, vert tildelt barn på venteliste etterkvart.

- § 9** Søkjar som får tildelt plass må skriftleg stadfeste at han/ho tek mot plassen.

Dersom slikt svar ikkje er motteke innan fastsett frist, og det ikkje ligg føre sakleg grunn for å ha oversett fristen, kan søkjaren miste den tildelte plassen.

- § 10** Ein barnehageplass kan seiast opp med ein månads varsel. Oppseiingstida gjeld frå den 1. i påfølgjande månad etter at oppseiinga er motteken. Oppseiinga skal vere skriftleg.

Etter 1. mars kan ein ikkje seie opp plassen for resten av barnehageåret utan særlege grunnar (fråflytting, langvarig sjukdom o.l.). Tvilstilfelle vert å avgjere av barnehagen sin styrar i samråd med barnehagefagleg rådgjevar.

§ 11 Den kommunale helsetenesta skal til ei kvar tid ha ein plan for helsetilsyn med barna i barnehagane.

§ 12 Netto leikeareal pr. barn er fastsett til;
4 – 5 m² for barn over 3 år
5,3 – 6 m² for barn under 3 år.

§ 13 Eit barnehagetilbod vert lagt ned og barna overført til andre barnehagar, når tal på plassar som vert nytta er mindre enn;

7 heile plassar i aldersgruppa 1-5 år

5 heile plassar i aldersgruppa 1-5 år, samorganisert med SFO og skule

Knut Broberg (s)
Rådmann

Runa Hatlenes Nybakk (s)
Barnehagefagleg rådgjevar
Kvalitet og utviklingsavdelinga

Merknad til § 8:

Hovudutval for kultur og oppvekst (KUOP) er frå oktober 2015 del av Levekårsutvalet.

Levekårsutvalet vil handsame klager på einskildvedtak som er gjort i samband med hovudinntaket frå og med 2016-2017. Vedtekter for barnehagane i Flora vert korrigert ved oppdatering av Flora kommune sitt møte- og delegeringsreglement.

19.02.16

Runa Hatlenes Nybakk
Barnehagefagleg rådgjevar